

صاحبی ، مدیری ، محرری :



آبونه بدلی :

سنه لکی ۱۰۰ غروش
آلتی آسانی ۵۰ »
اوج آسانی ۲۵ »

مخبر

۱۳۳۸

اداریو خانه سی :
شهرزاده باشنده (تعالی اسلام)
جمعیتی مرکز عمومی

مرکز توبی :
باب عالی جاده سنده اتحاد
تجارت کتبخانه سی

اسلامک نفعنه خادم مقالات
مع الشکر قبول و درج اولونور

یازاناق شخصیتی دکل ، یازینک اهریق
نظر دفته آلیتیر

دینی ، علمی ، ادبی ، اجتماعی رشیدلک شهرری
مجموعه اسلامیه در

کلن یازیلردن شایان قبول کورولنلر تاریخ
صیراسیله درج اولونور .

عدد : ۶

۱۳۳۹ ربیع الاخرینه مخصوص نسخه

فی ۷ بوجوق غروش

منبرجات :

محفل دینی و علمی : تعلیم و تعلم حقنده بر حدیث شریف طاهر المولوی . امت اسلامیة نك قرین اسلامی واجکام شرعیة بی کیفیت تلقیسی اسکلبی محمد عاطف . غزالینک روح حقنده کی تلقیانی - آفسکیلی احمد حمدی . غلبه اخلاقیه حسین شمی . خریستان هلماسنک قرآن کریم حقنده حسن شهادتی - علی رضا . محفل تاریخی : مشرکین عربک مشهور یونلری - طاهر المولوی . تیکوشلی مرحوم - خواجه زاده سعید . ناصیل آغلامام - طیب حلمی . حسین هاشم بک مرحوم - مستجابی زاده غصمت بک - سهو المولوی . محفل فنی : علم هیئتک مبدای - سعدی .

محفل ادبی : جاهلیه آثارندن برقاج نمونه - فرید . دهوه ایله یاوروسی ، مهاجرلر معاونت لازم طاهر المولوی

ایتام اسلامه معاونت

ملکتمزده اوتهدن بری یکانه برشفقت و معرفت اوی بولونان دارالشفقه ده کی ایتام اسلامک اعلاشه و تحصیلترینه مدار اولوق اوزره مکتوبلق کاغد و ظرف طبع ایتدیریلشدور . نورعثمانیه جامع شریفک ختکار محفلده کی (جمعیت تدریسیه اسلامیه) مرکزیه دارالشفقه ده یکر میشر یاره بدل ایله صاتیلمقده اولان یوکاغد و ظرفلرک اشترا واستعمالیه هم احتیاج مخبره بی تأمین ، همده بر امرخیره خدمت ایله مهلری قارئلریمزدن فی ایده وز .

ربیع دائرونک صورت استعمالی - احمد ضیا . دینی درسلر - مؤلفی آقسه کیلی احمد حمدی

اسلام یولی - « اسکلبلی محمد عاطف . اسلام چیغیری - اسکلبلی محمد عاطف

یونافع اثرلر ، میدان انتشاره قونولمش و عموم کتابچیلرده صاتیلمقده بولونمشدور . کرک ضیا بک افندیکن ، کرک حمدی و عاطف افندیلرک قدرت فاضلانلری مجموعه ده کی یازیلریله مبرهن اولدیغندن اثرلری حقنده فضله سوزه لزوم کورمیورز . هر برینی مؤلفات جدیده مراقیلیرینه توصیه ایدرز .

آلتی آیلوق آبونه لریمزک مدتی بونسخه ایله ختام بولدی . تجدید ایتمک ایسته یلرک و آدره سی ده کیشمش اولانلرک اداره مه معلومات و یرمه لری . مرجودر .

اعلان یاپدیرمق ایچین باب عالی جاده سنده کی (ترکیه اعلانات عمومیه شرکتی) نه مراجعت ایدیکز ،

امت اسلامیة نك حضرت محمد عليه السلام دین اسلامی واحكام شرعیة بی کیفیت تلقیسی
امت اسلامیة پیغمبر من حضرت محمد علیه السلام دین اسلام وشرع شریفی ایکی طرز اوزره اخذ وتلقی ایتمشدر .

برنجی طرز: دلائل شرعیة نك ظواهر وصراحتندن، ایکنجیسی ده دلائلندن اخذ وتلقی ایدلك صورتیه واقع اولمشدر .

اساساً دین اسلام وشرع شریف، پیغمبر اقدمزدن یا متواتر ویا غیر متواتر اوله رق نقل اولنلق صورتیه امت محمدیه واصل اولمشدر .

متواتراً نقل اولنان اساسات اسلامیة ده یا لفظاً ویا معاً متواتر اوله رق نقل اولنه کلمشدر . قرآن عظیم الشان ایله برنبذه احادیث شریفه ، لفظاً متواتر اوله رق امت محمدیه واصل اولان یکانه اصول اسلامیة در ، جناب اللهک وحدانیقی ، ملائکة نك موجودیتی وقرآنک ، پیغمبرک ، بعث بعدالموتک حقیقی کبی اصول اسلامیة ایله طهارت ، صلات ، زکات ، صوم ، حج ، بیوع ، نکاح و غزواته عائد احکام شرعیة دن فرق اسلامیة آره سنده اختلاف اولنمیان پک چوق احکام ده معاً متواتر اوله رق امت محمدیه واصل اولان ارکان واحکام اسلامیة در .

غیر متواتر اوله رق امت محمدیه واصل اولان اصول اسلامیة بروجه آتی اوج درجهیه انقسام ایتمشدر .

(۱) صحابه کرامدن لا اقل اوج ودها زیاده ذواتک حضرت پیغمبردن روایت ایلدیکی معلوم اولان احادیث شریفه در . احادیثک چوغنی بوقیلدن اولدینی کبی احکام فقهیه نك چوغنی ده بوقسم احادیث شریفه اوزرینه بنساقلمشدر .

(۲) حفاظ و کبرای محدثین طرفندن صحیح ویا حسن اولدیغه حکم اولنان احادیث شریفه در .

احادیث پیغمبردن بو ایکی قسمی بین الامة مقبول ومعتبر اولدیقندن موجبله عمل اولنلق واجبدر .

(۳) کبرای محدثین ایله حفاظدن بعضیلرینک قبول وبعضیلرینک رد ایلدیکی اخباردر . بوقسم خبرلردن شواهد مستند ویا کبرای اهل علمدن اکثرینک قولنه موافق ویا عقل سلیم وصریحه مطابق اولانلر ایله عمل اولنلق واجب اولور .

پیغمبر علیه السلام دین شرع شریفی طرز تلقینک ایکنجیسی ده دلالة اولورکه بوده صحابه کرامدن قدرت استنباطیه مالک اولانلر رسول اکرم اقدمزک قول ویا فعلندن احکام شرعیة استنباط ایتمکله وقوعه کلیر . فی الحقیقه مشارالیه حضرائی ، بیان اولنان طرز ایله استنباط احکام ایلدکدنصکره (فلان شی واجب ، فلان جائز وفلان حرامدر) دیه سائر افراد امته بیلدیرلردی . تابعین کرامده صحابه عظامک بیان ایلدکری طرز اوزره احکام شرعیة بی تلقی ایدرلردی . تبع تابعین دورنده ایسه کبرای امت طرفندن متسلسلاً نقل اولنه کلن صحابه کرامک فتاوا وقضایالری تدوین ایلدله رک امر دین تحکیم اولنوردی .

قران کریم ایله اقوال وافعال پیغمبریدن استنباط احکام ایلن صحابه کرامدن اکابر مجتهدین عمر ، علی ، ابن مسعود ، ابن عباس رضی الله عنهم حضراتیدر . حضرت عمر محدث ایله بن وقایع وامور حقنده کبرای امتله مشاوره وحقیقت حال انکشاف ایدنجیه قدر بوبابده عریض وعمیق بحث ومنظره ایدیوردی . آنک ایچوندرکه مشار الیه حضرتلرینک اکثر قضایا وفتاوا سی شرق وغربده بتون امت اسلامیة یاننده واجب الاتباع اولمشدر . مجتهدین اربعه مشارالیه مدن باشقه صحابه کرام حضراتندن استنباط احکام ایله بن - دها پک چوق ذوات کرام وار ایدی ایسه ده اوبرلرینک درجه سنه واصل اوله منلردی ، وحقی دلائله تقابل و اخبار ایله تعارض ایله دیکی تقدیرده آنلرک قوللری نادراً معتبر طوتولوردی .

ابن عمر ، عائشه ، زید بن ثابت رضی الله عنهم حضرائی ایکنجی درجه ده کی مجتهدین کرامنددر .

استنباط احکام ایله بن اکابر تابعینه کلنجه ده مدینه ده

ابن مسیب ، مکده عطاء بن ابی رباح ، کوفه ده ابراهیم ، شریح ، شعبی ، بصره حسن بصری رضی الله عنهم حضرت ایدر .

مشارالیهم حضراتی صحابه کرامک بیان بیوردقلری طرز اوزره احکام شرعیه بی ضبط و حفظ ایلدکن باشقه قران کریم ایله اقوال و افعال پیغمبریدن فعلاً استنباط احکام ایدرلردی . ایشته بیان اولنان طریقار ایله امت محمد، احکام شرعیه بی حضرت پیغمبردن تلقی ایتشلردر . شوقدرکه مذکور طریقاردن بری دیگرندن مغنی اولمادیی ایچون هر ایکی طریقک تطابق و توافق ایلدیکی وجهله علم ایله جهور روانک اجماع و اتفاق ایتدیکی شیلری اخذ و تلقی ایتک امت اسلامیه نک احسن شعار نذرندر .

اسکلبلی

محمد عاطف

غزالی

نک

روح حقه ده کی تلقیاتی

- ۲ -

غزالی تسویه و تفخک معنالری ایضاح ایتدکن صکره حقیقت روحی شو صورته تعریف و تصویر ایدرور : روح ، صویک قابنه حلولی کی بدنه حلول ایتش بر جسم دکلدر ؛ علمک عالمده ، قارالغک قارا برشیده حلولی کی قاب ویا دماغه حلول ایتش عرض ده دکلدر . بلکه بر جوهردر ؛ [بر جوهر معنوی و الهی در .] زیرا روح ، هم کندینی ؛ هم ده خالق بیلیور ؛ معقولاتی ادراک ایدیور ؛ عرض ایسه بوصفترله متصف اوله ماز . بونکه برابر روحه عرض دیدیکمز تقدیرده ؛ علم و ادراک کی روح ایله قائم اولان صفتلرده عرض اولدیغندن ؛ عرضک عرض ایله قیامی لازم کلیر ، که بوده جائز دکلدر . روح عرض اولمادیی کی جسم ده دکلدر . زیرا جسم قابل تقسیم در ؛ روح ایسه بویله دکلدر . روح قابل تقسیم

اولسه یدی ، اونک بر جزئیک برشیی بیلیمی ، دیگر جزئیک عینی شیئی بیلیمه منی و بناء علیه حالت واحده ده هم عالم ، هم جاهل اولمی ایجاب ایدردی . محل واحده ایکی ضدک اجماعی فکری ایسه ، افکار متناقضه دن در . بناء علیه روحک واحد اولدینی اتفاق عقلا ایله ثابت اولیور . بوا یسه جزء لایتجزی ؛ یعنی غیر منقسم بر جوهردر . چونکه روح حقه ده جزء کله سنی استعمال لایق دکلدر . زیرا جزء ، کله اضافت دیکدر ؛ حال بوکه روح بختده نه کل وار ، نه ده جزء واردر . اگر بوتون موجوداتی و یا خود انسانک باعث قوایی اولان بالمله اسبابی نظر دفته آلیر ایسه ک روح ، بونلرک هیئت مجموعه سننده بر « واحد » در ؛ یعنی بو اسبابدن بری در .

روحک غیر قابل تقسیم اولدینی ثابت اولونجه ایکی حالتدن بری ایله متصف اوله جنی شه سزدر : متحیز اولوق غیر متحیز اولوق . روح متحیز دکلدر . چونکه متحیز قابل تقسیم در ؛ حال بوکه بسیط حقیقیک قابل تقسیم اولمی ادله هندسیه و عقلیه ایله باطل و مردوددر . بناء علیه روح ، بنفسه قائم ، غیر متحیز بر جوهر بسیطدر .

روح بدننده داخل اولمادیی کی ، بدنندن خارج ده دکلدر . نه بدنه متصلدر ، نه ده بدنندن منفصلدر . چونکه اتصال و انفصال کیمیتلری جسمیت و تحیزله صحیح اولور ؛ حال بوکه روحک جسم اولمی متنی در . جادانک نه عالم ، نه ده جاهل اولامایشی کی روح ده بوصفترله متصف اولاماز . چونکه علم و جهل صفتلرینک برشییه اضافه ایدیه بیلیمی ایچون اوشیک ذی حیات اولمی لازمدر . حیات آرادن چیقجه اوشی ، علم ویا جهل ایله متصف اولاماز . بونک کی برشی دن جسمیت متنی اولونجه اوشی ، اتصال و انفصال ، دخول و خروج ایله متصف ده اوله ماز .

روح ؛ جهندن ، بر محله حلول ایتمکدن ، اجسامه بیتشمکدن ، جهته مقید اولمقندن نه منزه در . زیرا بوتون